

## Sarkina Bt Mat Saad @ Shaari

---

**From:** UUM CORPORATE COMM.  
**Sent:** Wednesday, July 31, 2019 5:02 PM  
**To:** UUM - All Staff; UUM - All Students  
**Subject:** Kerjasama UUM Dan UGC Bangladesh Bangunkan Modal Insan Staf Akademik



UUM Corporate Comm.  
Universiti Utara Malaysia

31 JULAI 2019 / 28 ZULKAEDAH 1440H

"UUM : UNIVERSITI PENGURUSAN TERKEMUKA"  
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: CIAC dan Mohd Amir Aizat Sainon

### KERJASAMA UUM DAN UGC BANGLADESH BANGUNKAN MODAL INSAN STAF AKADEMIK



**UUM ONLINE:** Pemeteraian Memorandum Persefahaman (MoU) antara Universiti Utara Malaysia (UUM) dengan University Grants Commission of Bangladesh (UGC) diharap dapat membantu membangunkan modal insan dalam kalangan staf akademik.

UUM diwakili Timbalan Naib Canselor (Akademik dan Antarabangsa), Prof. Dr. Yusnidah Ibrahim dan UGC diwakili Ahli Lembaga Pengarah, Prof. Dr. M. Shah Nowaz Ali telah menandatangani MoU itu di UUMKL, baru-baru ini.

Menurut Prof. Dr. Yusnidah, beliau berterima kasih kepada UGC kerana memilih UUM sebagai salah satu rakan strategik universiti tersebut dalam usaha menjadikan UUM sebagai peneraju pembangunan modal insan dalam kalangan staf akademik di Bangladesh bagi meningkatkan tahap profesionalisme mereka.

"Ini termasuk dalam meningkatkan tahap pendidikan mereka ke peringkat pasca siswazah dan latihan eksekutif jangka pendek.

"Saya berharap kerjasama ini akan berterusan dan UGC akan membantu UUM untuk meluaskan jaringan kerjasama dengan universiti-universiti lain di bawah naungan UGC di Bangladesh," katanya yang mewakili Naib Canselor.

Pemeteraian MoU itu merupakan hasil lawatan kerja Prof. Dr. Yusnidah dan Pengarah Pusat Hal Ehwal dan Kerjasama Antarabangsa (CIAC) ke Bangladesh pada Mei lalu.

UGC Bangladesh ditubuhkan pada 1972 bertujuan untuk menampung keperluan akademik dan kewangan serta permintaan enam universiti sedia ada di Bangladesh pada masa itu.

Fungsi UGC sekarang adalah menyalurkan peruntukan dana kepada universiti, memudahkan pembangunan sistem pendidikan tinggi di Bangladesh dengan tujuan utama meningkatkan kualiti pengajaran di peringkat tertiar (pendidikan pasca menengah sehingga peringkat tinggi), menggalakkan penyelidikan dan pembangunan inovatif yang canggih serta memperbaiki tadbir urus di universiti.

Selain itu, UGC bertanggungjawab untuk merangka dasar pendidikan tinggi dan jaminan kualiti bagi memenuhi piawaian antarabangsa serta memberikan nasihat kepada kerajaan dengan sewajarnya.



 Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.